


MA GIO



MÀ GYO

Ujesu a de le: Mà dang 'utyung gyo
mi.

Mak 7 : 14.



SCRIPTURE GIFT MISSION
ECCLESTON STREET, LONDON SW1W 9LZ
Printed in Great Britain

Igie inunung angi Ujesu a bun i kwu bendi puu he 'uhwo kangg. Be fel kong 'inunung gba le he he 'uhwo igie imen i. Luke 4 : 22.

Ujesu a de le: Lifung-atabe le igye bi ba mbee, ukpor igie igi ife ì ha ndo mbee ye. Luke 21 : 33.


Mà ngye dangg le undi angwu a gyo igie igi, u bong 'igyang-igyang ha Atyagi angwu a som mi, u kwa le likpan 'unyong angi lî ngyor igye kpamm. Jon 5 : 24.

Biwom abi be fee he 'ushia 'umen i puu bì yi le he Ubaabul (Bible) angwu ù yi igie Unim. Be kung biwom gbamm le he Ubaabul fee fe he ashia atyetye atyetye he igie Bette. Ki ngbebb le wò kwu le ashia amen i puu ha-a à bo angi likorye Unim a ke li Ubaabul he bendi puu bè ngye 'igyang gbe le ufe Unim.

Ishom ifee

Ujesu a de le: Undi uyang-yang angwu a gyo igie igi, u shi angi, ù yi na ungikye angwu a ma bi lishi, u tye ushom uma pwom he likwu 'ukor. Umbwo a ma ndor kangg, u sho wulwu mbee bipi. Kufem 'u shi kangg, ukpor ushom a ma mbu ye likorye lishii lima lì yi 'ukor a.

Undi uyang-yang angwu a gyo igie igi, u shi angi ye, ù yi nya a na 'ikpel-




ye undi ashi 'i ma tye ushom uma he 'uyia a. Umbwo a ndor kangg, u sho wul wu mbee bipi. Kufem 'u shi kangg. Ushom ana a ma gyebb shi he itang kpemm.

Ujesu a ma kong ashin 'i mbee, ki ma kwu bendi he 'uhwo 'itaa ashi ù hwua abe biwom. A maa hwua abe biwom le ikeb. A maa hwua abe biwom na bekaandi bebell abe bè hwua abe Iten be hwua a ye.

Matyuo 7 : 24-29.

Unim a kung Ujesu Ukristi ufe-ufe ndor na lishii 'ufung. Kì yi le lishii lisuso angi undi u ha ndo tye fem limen i tyang ye.

1 Korinti 3 : 11.



Utia angwu a nim

Ujesu a ha bun ityang de be le: Gbe undi he liwu limen ù yi le itia asi adyong, gbe a waa nim ken, u sha na a? U tyang angi asi ande le ngi lihwo le ngi idyong-inde ha he 'ipi i zi abia, la shun angwu a nim kpamm u gbe nde-e.

Gbe a nde-e nde nde, u kung he pwom he 'igbong tem le he ba he ushu le igor. U ko bedim-ma le bende-ma da abe le bè be gor le he

likorye a nde utia uma angwu a ma waa nim.

Mi da amen le 'itaa 'imen na igor ì be kwu he lifung-atabe kangg he 'uhwo undi-iban ken angwu a shi beshi he biban bima, u bel lityam le ha abi, hwo bendi benunung abe asi ande le be lihwo le be bedyong-inde abe 'ì tem yi indee-indee le bè mbee bel lityam le he biban ye. Luke 15 : 3-7.


Bel puu lì yi na itia angi i mbeb 'ukwo. Undi undi a kung 'uma 'ukwo. Unim a ha kung biban bityan puu so undi-likpan he lishi. Ayizaya 53 : 6.

Unwaa angwu a nim tem fem

Ujesu a de le: Ki ma yi le ungikye ken angwu a ma yi le bebwaa bengikye befée. Angwu 'isun a le de atyam le ù


kung biwom bima hwua abe he-e ù
waa bima ke-e. Atyam a kung biwom
bima hwua abe.

Ki kung zi ati zangg, unwaa umen
ana a kung biwom bimen ana, gbe le
he ushaale atyam gye beke le 'igbe
kangg. A le zi ban biwom bimen ana
puu. Ubwaa ukaandi a ha kwu ha.
A ma nem yi le 'iwom ye.



A le kwu ha undi ken he 'ubong
'umen ana. Undi umen ana a som he
le ù le ke ikangbo lizi. Unwaa anwuna
a ma kee le u za ako biwom angi
ikangbo ì zi or. Ki shi le undi angwu
a ma ke-e ye.

Unwaa ana ù ha fel gim gba le
bendi abe bè shi atyam aki na bè yi
le azi be zi teng ndor hell. Fe ufe ù
yi gbe fe nyin, u hwo itung.
A shi ugim fe 'uhwo-ma le u
ba bo la hwaa



le atyam da he le ufe a shi 'iban ha Unim le ufe. A tem kpè le ù ko he le unwaa-ma ye. Ù fel kpe-e na bendi abe a kpe le bè shi-e aki a.

A kung bo 'inaa gbe, u la hwaa le atyam. He 'unyong ahwu unwaa anwuna a ma so le he 'igbe-igbe, atyam a nde-e u ba le ha. Beshi be ma shi-e le unwaa-ma kangg. A buu le kpee le he gaa he; a shom he ungwu.

Unwaa-ma a de-e le: Atyagi, mi shi 'iban ha Unim le wo. Mi tem kpè le wò ko mi le unwaa-gang ye.

Atyam a ko iboyi ima, de be le bè te akikye le be le aliga angi a ngbebb 'unung hwo puu a, be shi-e. Bè be le unwaande fe-e he udyongbwo, be fe-e ikwob he abee. Bè le kwu ushom api angwu be fee he, be gwu he be bè shi 'ipam gor fe-e. Atyam a mbee de

le: Unwaa-gi a ma hwo, ukpor 'anaa-
anaa i ù yi uwum. A ma nim; mi tem
nde-e. Luke 15 : 11-24.

Uboyi angwu ù tyang ke unde-ma ye

Ujesu a de le: Gim gbe le 'usu
Unim 'itaa i. Ki ma yi le usu angwu
a ma kee le u ngya 'ugii unde uma
angwu iboyi ima ì yi le he.

A ma keb akwuale. Be ha be le
uboyi ken angwu a zi-e lihwua igaa
ikwudi asisilisi asisilisi. A ma yi le
unde u hwee he ye. Ukaandi uma a de
le bè kwu-e ufe-gyang le ungye-ma le
bebwaa-ma le biwom puu abi ù yi le
bi, le ndyebb zi kpe unde be hwee he
lihwua.

Uboyi ana a mbu tim anung he itang, u de ukaandi uma le: Ukaandi, kusi mi tim-a anung le wò ngib lityam, mbee ke-m 'anwaa 'unyong zangg. Mi ba hwee-a unde ugang puu. Beshi be shi ukaandi uma le he. A de-e le a tyang lihwua ke-e; ù ndo gye.

Uboyi umen i a gbe ligye le kpee le unde-ma ken angwu a zi-e lihwua ikwudi zangg. A kwu-e, u hwom he abwo he umbell, u de-e le ù hwee he unde uma 'unyin.

Unde-ma ana a mbu tim anung he itang, tim he anung le, kusi ù ngib lityam, mbee ke-e 'anwaa 'unyong zangg. U ba hwee he unde uma puu. A swan, a kwu-e le fe he igaadye le ù kwu ha kpamm u gbe hwee he unde uma.

Bende-ma, iboyi angi i teng, i nde ashi a shi. Ki nyung abe he lityam



kangg. Be le bun de ukaandi ubell
ashi a shi puu.

Ukaandi uma a ko he de-e le: Wo,
uboyi ubibi, mi tyang lihwua angi wo
zi-m ka-a likorye wo tim mi anung.
Hang wo kwu le beshi ha unde-gang
na mi yi yi le beshi ha awo. Ki ma
nyung ukaandi anwuna he lityam
kangg. A de le bè kwu uboyi anwuna
le fe he igaadye, be ke-e 'ingie ha
kpamm u gbe hwee he lihwua.

Matyuo 18 : 23-34.

Mà kwu le inung ha bende, ma nde bende beshi, ma tyang ke bende na Unim a tyang ke men gbe ha Ujesu Ukristi. Ifesisi 4 : 32.

Undi-utia angwu ù yi 'ikpel-ye undi

Ujesu a de le: Mà baa 'uhwo-men le he ubell 'iwom 'iyang-yang. Likpan undi lityang angyell lè yi he 'ugii biwom abi ù yi le bi a ye.

Ujesu a kung ityang bun de be le: Usu-ingbebb ken a ma yi le utia angwu biwom bi mbu-e ha kangg. U fel gim ha ahe lityam le: Mì yi le abel akaandi le mì ndor azi agi ye. Mi ba sha na a? Ashi mì be shi 'i yi le, mi tya abel agi anyin wa he itang, mi tye abel asuso angi a dyam kangg. Ha na mì be ndor azi agi puu angi mi fem. Mi ha de 'uhwo-gi le, Eng-heng,

mi usu-utia, mi fel le biwom gbamm
abi m̀̀ be zi he aze gbamm angi à be
le he 'ushu. Ki fel ashi m̀̀ sho 'unyong,
zi bizizi, ngwo bingwungwo, gor igor.

Unim a ha de-e le: Wo 'ikpel-ye
undi, kusu ahwu 'unyin i mi kpa
'unyong 'ugang. Ayang ù ha be kung
biwom abi wo kam ndor 'uhwo-gang
nyin?

Ujesu a fe ityang anyin lishi le:
Kitaa 'imen na 'i be kwu ha bendi abe
bè kam 'ingbebb ndor 'uhwo-bell, be
mbu likaa he ashi Unim.

Luke 12 : 15-21.

Ma kpi 'ikwu kee biwom abi bì yi
he 'ukpo he 'usu Unim, mà u ba ka
amen biwom bimen i puu.

Luke 12 : 31.

Idim le 'uhwo akebale

Ujesu a ma kung ityang anyin de bendi abe be gim le bè yi kpa-kpa, be gim le bendi abe be teng puu bè yi bendi-ilaa. A de le: Bendi befee be ma gye he Ushom Unim le be la kong ha Unim. Undi angwu ken a ma yi he liwu bendi abe bè ko le Iferesisi; angwu ken u kpe ukpanda.

Angwu ù yi Iferesisi a le naa uteteb, keb akongale ha Unim le: Unim, mi



pee-a na mì yi na bendi abe be teng bè yi a ye. Mi sha uwub 'iwom 'iyang-yang ye. Mi sha undi za ye. Mi gba ipel ha ungye undi ye. Mì yi na angwu ù kpe ukpanda ana a ye. Mi kong ha awo le itung indoale ati afee he utyong uyang-yang. Mi shwa-a le he biwom puu abi wo ke-m.

Undi angwu ù kpe ukpanda a le naa he item 'igbe-igbe keb ashi he itang. A kung abwo ama bee he 'akem he 'i tyung le a shi beshi, kung kong le: Unim, beshi bè sha-a le mi, undi-iban.

Ujesu a ha kung kong le: Mà ngye dangg le ungikye anwun na a gye he ushu le likpong he ashi Unim, angwu ù yi Iferesisi a ye. Undi angwu a kung 'uhwo-ma gye he 'usi, Unim u ba keb he ba he itang. Angwu a keb 'uhwo-ma be he itang na Unim ù be kung he gye he 'usi. Luke 18 : 9-14.

Mà dang 'utyung gyo mi, he men mà
pwom mi, mà ma ba kwa le likpan
'unyong. Ma kee Atyetyan Unim he
'unyong ahwu ma nya nde-e. Ma ki
ko he he 'unyong ahwu ù yi kpee-
kpee.

Ayizaya 55 : 3, 6.